

Faruk Selmanović
Zastupnik u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

ZASTUPNIČKO PITANJE

Upućuje se: Ministarstvu saobraćaja Kantona Sarajevo i KJKP „GRAS“ d.o.o. Sarajevo

Predmet: Postavljanje reklamnih LED displeja na vozila autobusnog saobraćaja

Poštovani,

U proteklom periodu na zadnjem dijelu vozila autobusnog saobraćaja kojima upravlja KJKP „GRAS“ d.o.o. Sarajevo postavljeni su LED displeji koji se koriste u svrhu emitovanja reklamnih sadržaja. S tim u vezi, tražim da mi dostavite sljedeće informacije i dokumentaciju:

1. Sa kojim pravnim subjektom je zaključen Ugovor o postavljanju i/ili najmu navedenih LED displeja?
2. Tačan naziv, sjedište i identifikacioni broj pravnog subjekta koji upravlja i/ili raspolaže predmetnim displejima.
3. Na koji vremenski period je zaključen predmetni Ugovor?
4. Da li je zaključenje Ugovora bilo predmet postupka javne nabavke u skladu sa Zakonom o javnim nabavkama BiH? Ukoliko jeste, molim da dostavite broj i vrstu postupka, kao i link ili kopiju obavještenja o nabavci i odluke o izboru najpovoljnijeg ponuđača. Ukoliko nije, po kojem pravnom osnovu je zaključen Ugovor bez provođenja postupka javne nabavke?
5. Da li su predmetni LED displeji prošli potrebne tehničke preglede i da li posjeduju odgovarajuće ateste i certifikate za upotrebu na vozilima javnog gradskog saobraćaja?
6. Da li je pribavljena saglasnost nadležnih organa u skladu sa odredbama Zakon o osnovama bezbjednosti saobraćaja na putevima u Bosni i Hercegovini, posebno u dijelu koji se odnosi na tehničku ispravnost vozila i sigurnost učesnika u saobraćaju?
7. Da li je izvršena stručna procjena uticaja intenzivnog osvjetljenja, promjenjivih slika i dinamičkih sadržaja na koncentraciju drugih učesnika u saobraćaju, naročito u noćnim uslovima vožnje?
8. Ko snosi odgovornost u slučaju da se utvrdi da postavljeni displeji negativno utiču na sigurnost saobraćaja ili nisu u skladu sa važećim tehničkim i sigurnosnim propisima?

S obzirom da se radi o vozilima javnog prevoza u vlasništvu Kantona Sarajevo, smatram da je od posebnog javnog interesa da se utvrdi potpuna zakonitost postupka, kao i usklađenost sa sigurnosnim standardima, imajući u vidu da svaki dodatni svjetlosni i dinamički element na vozilu može imati direktan uticaj na sigurnost svih učesnika u saobraćaju. Molim da se tražene informacije dostave u pisanoj formi, uz prateću dokumentaciju.

S poštovanjem,

Faruk Selmanović, Zastupnik u Skupštini Kantona Sarajevo

Sarajevo, 24.02.2026. godine